

壺隱集

共四

貞

5563.8
3826
v.4

BERKELEY
LIBRARY
UNIVERSITY OF
CALIFORNIA

Carpentier

壺隱集卷之五目錄

科體詩

禁中酒肆詩

函谷關歌送劉評事使關西詩

此翁取適非取魚詩

科體表

擬唐安西留後郭昕謝賜爵武威郡王表

擬唐神策行營節度使李晟請以裨將趙光銳

等為洋利劍三州刺史表

擬燕舊昌國君樂毅謝遣使遺書責以報先王

之義箋

擬唐李泌請於端午日獻身表

擬漢壺關三老茂請亟罷甲兵無令太子久亡
表

擬周召虎謝賜璫瓚和鬯祀其先祖錫山川土
田往受命於岐周表

科策

壺隱集卷之五目錄

壺隱集卷之五

科體詩

禁中酒肆詩

人間酒暖春茫茫九重香風三月後青銅來去永巷
塵碧帘長短閭門柳藏名錦肆樂有餘着處壺觴王
左右輕雲一入海內貢是時大宋昇平久吳王宮裏
孰捧心晉室朝端入噤口民財纔竭一峯成萬歲山
光看已醜尊稱萬乘富四海酒池肯羨殷王紂黃麻
催下綺羅叢百隊旗亭隨處有邦權從此屬誰邊麴
生風流携玉友青旗綠幕自遠近一春好事寧孤負

煩區區兒女淚憑將往事作短引臨別高吟須側耳
從今天下絕勝觀專屬周南老太史囊中多少記得
篇他日歸來誇我示

此翁取適非取魚詩

滄浪之水清且漣中有漁翁閑自漁此翁姓名尚不
識此翁意趣知何如翁之所樂我知之不為區區耽
得魚翁自何來年幾何生涯泛泛孤舟虛釣絲何心
扶漢鼎銀璫無意同周車漁歌曲裏一肩高簞笠簑
衣江雨踈忘機不與俗人語此老心趣誰知歟閑臨
丙穴翫潑潑盡日垂竿非為渠方當濠上儵遊後正

值吳會鱸肥初寧嫌王尺上鉤遲大抵江湖元樂余
天機流動躍淵處一般深情知有餘同流江海任自
得物我相隨無定居初無鉤下設芳餌留向江中傳
尺書常情所棄獨能取世俗安知真樂胥魚今忘我
我忘魚不比尋常歌孟諸襟期渾似水清淨身世還
如雲捲舒探閑不在釣吞舟自家幽興何曾除歸來
小艇泊烟渚明月蘆花一草廬

科體表

擬唐安西留後郭昕謝賜爵武威郡王表

壬子

別初三中

使三邊按堵謹達奉表之誠得一郡為王猥荷記勲
之典古爵莫貴今封何功伏念王室乃心將家之種
慨然有志萬里豈當侯耶至於策勲三朝不如叔也
粵自天寶之亂未免日蹙之憂至尊尚蒙塵忍說播
越之辱狄人所欲土敢肆侵鎬之凶命宿將而出師
望風皆北使吾子而固圉守河之西徒得一二臣與
同莫效十九年奔問韓安國之持重壁壘雖堅樓蘭
王之遯途冠蓋久絕一介使發幸得間道之遙通千
里書回猥蒙上帝之親鑑方當竢罪之不暇奄承疏
爵之殊榮遠途人胡為來哉真傳消息大丈夫即以

王耳用答勲勞河漢朝宗雖萬折而不變江淮保障
喜一隅之尚完此非臣功之可嘉固知聖意之有在
國家新喪元帥詎無奪吾之悲天子制詔將軍故示
封若之寵金城王塞有何禦暴客之能亦希璵珩多
愧比諸侯之列矧茲武威之重鎮實是關河之巨防
地枕夷夏之交數為邊患事有防秋之惡必須全才
有好爵吾與縻奚翅誇耀於塞上不置王無以鎮要
使彈壓於虜中感激于天稱塞無地伏遇中國有聖
上策禦戎遵先王啓土之功將多前烈嘉李晟討賊
之績特畀西平遂令同功之賤臣亦被封爵之殊渥

敢不壯鎖鑰志享茅土名西賊膽寒縱之威名之素
著北極心拱庶竭報荅之丹忱

擬唐神策行營節度使李晟請以裨將趙光銑
等為洋利劍三州刺史表

輪次二中

一日縱敵為患方慮逆節之萌三城守邊可圖敢進
分屯之策屬之子矣防乎未然欽惟建中以來懲前
是急迨天未雨宿講綢繆之謨猛將如雲聿畫駕馭
之道竊念懷光之稔惡殆甚侯景之肆凶吳漢欲誅
姦臣意不在於鼂錯蘓峻始輕朝命勢將據於石頭
不見是圖寧忽早為之所有備無患固當先伐其謀

顧惟洋利劍三州實是賊咽喉重鎮淮南之計安出
難保漢無事焉成臯之路不通坐見韓必斷矣其險
也如此控引魚鳧之邦所守或非親變作豺狼之窟
惟此幕下之數子可當劍外之三方古名將不能過
宜以兵屬非此子莫可使往哉汝諧捐之此三人有
惡可恃隱然若一敵何變敢圖惟上兵攻心之在斯
何後君噬臍之無及三陟不動山川之道路即通萬
夫莫開關防之鎖鑰克壯安得猛士守正副拊髀之
思不與此賊生行成破膽之勢蓋自經奉天之播越
尤當備異日之不虞滎陽無憂何幸劇孟之在此晉

國有亂不妨尹鐸之為歸今年殺諸賊奴必籍英俊
之勦力丈夫官至刺史孰不感激而忘身惟簡帝心
所言公耳伏望許愚一得加聖三思亟降分鎮之音
以為制勝之策則敵王所愜實賴二三子之周旋皆
客之功可致數千里之妥帖謹當與子偕作盡已為
忠乃能料敵如是耶縱慙先見之智所謂因人成事
者庶追前輩之言

擬燕舊昌國君樂毅謝遣使遺書責以報先王
之義箋 辛酉九月製三下

去豈予所欲哉方切遠托之歎辱賜書若望者猥承

追報之音於戲不忘感愧罔措伏念以將家種非戰
國雄使節假於鄴都始任亞卿之列故鼎返於磨室
寔賴先后之靈惟其受國士之知是以仗兵威者久
不幸鑠金之譖遽出改玉之辰始夷吾行政於齊如
彼功烈終吳起獲罪於魯未免出奔臣節已虧嗟異
邦之托迹君恩莫報望故國而覲顏每覺有去故之
悲尚餘不肯本之懇平生遭遇猶記金臺之舊儀毘
勉遲回敢安觀津之新號以資敵國縱蔑居重燕之
名不忍提兵敢暴非為趙之恫何圖行李之發奄見
尺簡之來遠途之人胡為一介使至先君之思以勗

千里書回伏以讀之蓋諒將軍之無罪思所報也尚
勉人臣之事君欣奉溫諭之丁寧益慙舊恩之未答
想擁篲禮賢士之日俾也可忘念置酒斬言者之時
報之罔極不獨居於一國豈是自為之謀如可報於
九原當勵靡他之節虛辱書中之意恐負臺上之恩
伏遇以諸侯王為六國長遺簪墜履尚舊物之未忘
易水長城皆大王之所有遂令亡命之賤亦被遺書
之私敢不不忘本朝益殫晚節執書以泣縱之前驅
之能感君之恩庶有上答之路

擬唐李泌請於端午日獻身表

賀茲重五節爭進奇玩之資兀然空一身盍察自獻
之悃既已委質貴相知心欽惟舍已從人握髮待士
執玉帛者萬國遠追塗山納金鏡於千秋近法天寶
如臣無狀之魯鈍亦得廁跡於周行屬當端陽之令
辰猥隨內庭之賀列揚金荊玉羅列稀世之珍蜀錦
吳紗凌亂悅人之品遠邇畢獻方物繫我獨無咫尺
不違威顏問爾何事非無炎背之願奈乏藉手之資
頂踵受造化之功莫非爾極足體有輕暖之具及皆
君餘持此奉王曷副九重之垂問何有於我自愧一
介之無他茲敢三省于吾竊願再拜而獻良辰豈易

固知獻御已癡盡已為忠粗識事君能致其諸異乎
人者簡惟帝心不敢有其身焉歸之天子雖不滿於
七尺曾自擬於千金管白雲於山中窮則獨善感赤
心於陛下許之何愚身體髮膚雖受於父母腹心手
足相須則君臣頗似尋常譬其小則梯米脫有緩惡
知或重於泰山苟蒙得備於使令未必不踰於翫好
顧出處行藏之道非臣所私惟進退寵辱之權在帝
而已儀不及物敢曰有益於是求堪持贈君惟當盡
節於所事取而代也歸斯受之伏望察臣之言納臣
之懇虛已以受不臣以卑則猶手捍頭得君如彼若

身使臂惟命是從謹當短髮長心鞠躬盡瘁枵然空
穀雖慙顧中蔑如是所甘心竊期死後乃已

擬漢壺關三老茂請亟罷甲兵無令太子久亡
表

教義方不納于邪既盡愛子之道嗟余季猶來無止
盍降罷甲之音兒寧不悲兵可無血欽惟立嫡以長
為父止慈人所難言特令大將軍而曉意朕聖讒說
克察小黃門之逞奸不幸木人之變生以致樹子之
冤結燕太子之問傳行危而求安晉申生之帥師專
命則不孝徘徊顧望敢與君父而抗衡進退困窮奄

遭官軍之迫蹙所謂大杖則走未知此兵何名如窮
人無歸久勞於外今購我甚急不睽于中惟海內聞
者亦悲在陛下當作何抱如或睽離之為恨莫若師
旅之亟停凶器不得已用之王速出令癡兒何至於
此也吾且休兵懷哉曷月旋隔日邊之消息氣迫前
星暗痛泥中之胡為顧此兵連之時恐無子來之日
設有弄父兵之失兒罪當笞終成投母杼之疑人生
到此甘泉宮裏誰候半夜之寢門博望苑中久廢當
日之胄席何當父子相見可憐王孫不歸畏約無窮
何厭亡之出執哀矜勿喜得其情則無他兵猶火不

戢將焚惟可及止子之心豈若是愬不如早還雖難
敢言於其間竊冀得返於今後伏望察臣之惓納臣
之言亟罷三輔之徵俾得兩宮之會則幹蠱無咎爭
誦月重輪之祥乃復如初更覩日三朝之禮謹當才
乏遮說誠切格非處骨肉間縱愧匡救之力承顏膝
下庶贊仁孝之聲

擬周召虎謝賜珪瓚秬鬯祀其先祖錫山川土
田往受命於岐周表

壬戌增廣三下

得其君功如彼卑猥蒙賚爾之寵祭先祖吾有所受
仍荷封若之恩榮出無前肯曰有後伏念功之衛社

跡忝周親念王室之勤勞多慙後嗣同國家之休戚
莫贊中興屬茲淮夷之不庭乃率王師而致討荆蠻
來服敢擬方叔之壯猷太原徂征粗效吉甫之薄伐
江漢之情甚得來宣四方戎狄之膺是懲董奏一捷
于征有何臣力其濟莫非君靈疆土既寧實賴修攘
於今日堂構未肯安有彷彿於前人何圖賞勲勞之
榮遽及光祖考之典物其多矣禮既備於奉先地以
封之恩更侈於受賜寅念于祀膺想蓋軫於前功申
命用休封拜必倣於故事茲承往周之溫喻深增隕
越之賤忱念我康公大有勲於當世受命文祖曾食

德於名鄉率祖考攸行可想責望之切嘉乃功曰篤
何安追配之褒惟茲必欲報之恩槩示不敢專之意
執爵以醕偏感鉅鬯之惟馨廣土而居轉覺山川之
信義故國非謂喬木深愧小子之無良詩人播咏甘
棠敢望太傅之成績拜稽于后感激于中伏遇將多
于前不忘其後承文武之休烈玉顯哉謨使蠻夷而
率賓不居其義遂令一介之賤亦被三錫之榮敢不
毋忝所生有闕則補作內服之維翰縱之偉勲繼故
家之餘風庶竭寸悃

科策

乙卯秋增廣初試三上魁

問治國治民之道莫急於內外交差所以適內外
之輕重而無偏廢者也唐虞之盛九官四岳十二
牧相與同心輔治固無可論者降而後世則漢之
為治最近於古其所重者在於刺史守相而入補
公卿之缺或以欲施政事而出任三輔之地果得
內外交差之道者耶厥後或內輕外重或內重外
輕皆可歷指而言歟治行第一入為司農徒得君
重出守淮陽亦有得失之可言歟張柬之之拜相
實自道州韋嗣立之治汴為解平章可得聞其詳
歟臨淮政成召除太尉九卿復出再典潁川亦合

交差之意歟潘景倩之還朝人有登仙之羨韓魏公之出鎮自詭畫錦之榮人情之不同何歟大抵王者所天惟民而已其出也不可不先察其疾苦而無有宣布德意彈壓民心之責及其歸也以其所見知者施措於朝廷之上庶可孚實惠於民而不至違民交差之義若是其重而揆之以今日之事大有所逕庭其翱翔清路者未或暫出棲遲郡縣者不能登朝馴致在內者不知外事在外者不知內事近雖欲復伸交差之法而亦不見舉施之實無恠夫內日益重外日益輕至治之成未可或

期也伊欲使交差義意再行於今日民情達于上
王化覃于下內外無輕重之偏以臻於變之休其
道何由

對愚也跼伏草野竊伏聞我 聖上即位之越明年
下教於天官慎擇其守宰暨守宰之辭陞也召見之
勉諭之使斯民蒙實惠之意猗歟休哉愚也聞而喜
拜而賀私自語口曰我東地方數千里州郡三百餘
曾未見一介良吏保吾民如保赤子者久矣自今以
往大而為一州之字牧者能盡一州之責小而為一
縣之守宰者能舉一縣之職則承流宣化豈無其賢

茂績異等必有是人夫然後方伯聞于朝 聖上察
其能拔擢於斯登庸於斯如漢帝之召黃霸唐宗之
用李泌則此乃内外交差之道也果能於此國其庶
幾乎今來禮園明問適及臧噫疇昔草野之聞信不
虛矣有是哉交差之法也我 聖上繼而申明之我
執事贊而奉行之愚何敢容喙於其間哉雖然執事
問以内外輕重愚則以為所以輕所以重不在内不
在外惡乎重君德為重惡乎輕交差為輕丘瓊山之
言曰必上之人均其内外之勢而中持鑑衡焉使不
至於偏重愚請以是終始覩縷焉愚聞内外相維治

益理也。蓋治國治民，厥有其要，惟內惟外。官以任賢，以之布列于朝廷，以之字牧乎郡國，由內而外，由外而內，大小得宜，輕重無偏，信乎為治之道，莫惡於交差也。是以古之人，辟設官分職，歷試內外，內有實績，任之於外，外有治效，擢之於內，交相為用，各盡其才。則治國在於是，治民亦在於是。夫豈若後世之徒知內外之分，而不審輕重之偏者哉？雖然，內外之得其均，在於交差，交差之得其道，在於任人。人苟賢矣，則居內居外，厥有成績。人苟不賢，則或出或入，日奏罔功。然則如之何其可也？必也知人以明，任官以公，然

後庶有得於內外交差之義為人君者盡反其本鳴
呼唐虞稽古建官惟百內而九官四岳外而十有二
牧穆穆布列濟濟相讓同寅協恭於變時雍則至治
之世議論敢到自茲以後階級漸降隆古之制惟漢
近之知民休戚在於守宰璽書勉勵與我共理公卿
有闕以次入輔則良吏之稱於斯盛矣圻輔之重責
任非輕欲試政事任以宰相則其職之遷知有待也
交差之道可謂有得而本之則蔑如何足煩說歷代
相承治道日卑從周之外重者有之近秦之內重者
有之其重其輕俱失於偏欲究其詳無已太煩清明

之德最於考課則周稷尊矣以此官報出入之願在
於補闕而淮陽薄耶徒得君重其得其失何足多卞
宰相之才不合百里則首蒙宣召自道入相者吾知
張柬之也臺閣之臣宜典大州而乃解相印治汴自
任者豈非韋嗣立耶然而女主煽亂朝政廢墜交差
之道不暇論也臨淮化行與宰相而等列則擢置此
位褒其政也潁川盜起從九卿而復出則前度又來
從民望也治內治外似乎得矣小卿朝天行塵遙望
則班景倩之登仙人以為榮相公仗節素梓生輝則
韓魏公之畫錦自詵可想人情不同固其然也噫唐

虞之後漢而唐唐而宋施設之道代各不同而內外
之交差俱失其本愚請姑舍之嗚呼天生蒸民樹之司
牧后非民罔與守邦則宜乎民乃王者之天也字牧
之設豈徒然哉不可不察者民之情偽也不可不布
者上之德音也舊弊宿癘擗髮之無遺聖澤至化奉
揚而均被鎮壓一境名徹九重則入為司農因專義
於朱邑召拜太尉可復見於鄭弘以耳目之覩記敷
奏於冕旒之下推子視之實惠覃被於葭屋之中內
無偏重之弊外無偏輕之患交差之意於是得矣而
奈之何近年以來事多矛盾治未得效以貽我 聖

上之憂耶愚也聞之葉夢得之言曰以內為榮進之途則苟可以安乎內者人誰不榮以外為譴黜之所則苟可以免乎外者人誰不避斯言也政為今日而發也噫紆青拖紫翱翔要路者未嘗有三輔之遷懷才抱器棲蓬下邑者未嘗有道州之召馴致在內者悠泛度日其於外事慢不知何在外者分限有定其於內事有若聾瞽治化之成茫如捕風識者寒心蓋已久矣方今聖明以成王幼冲之年在高宗諒陰之日未明求衣日中不遑咨訪乎前席無非維國之要求助於廟堂率是安民之術而至於交差之法尤

所申飭者也獨惟夫有交差之名無交差之實重於
內者益重輕於外者益輕唐虞之盛固不可論漢唐
之治亦難企及則何聖明勵精之日有衰世不振之
風耶愚未知致此之由救此之策果安在哉無乃任
內職者未必盡其賢居外職者未必得其人以致輕
重之失宜者咸由我 聖上知人任人之本有所未
盡者耶愚聞懸衡於室可以卜天下之輕重鑄鑑於
冶可以別天下之妍醜豈非所操者公所存者明耶
然則我 聖上知人之明果能如鑑之空而任人之
公果能如衡之平耶如或未也則無惑乎內外之不

均輕重之失宜也執事何不以是入告于我 后曰
不公則不明不明則不公公以生明明以生公一視
其人不察於已苟其賢也雖䟽必舉之苟不賢也雖
親必退之此之謂公明之能盡其道也然後隨其才
分如器之使于以置之於內于以任之於外內職既
舉出試於外外事既舉擢置于內高官大爵無或小
吝茂才異績務為甄拔內而朝政無偏重之患外而
郡國無偏輕之弊則執事所謂民情上達王化旁流
治臻於變者其在是耶嗚呼官非不備法非不義也
內而公卿大夫百執事外而方伯字牧縣令即古之

官古之法而考其名則是較其實則非今日交差之
法可以行矣 聖上之教非不勤矣而尚今寥寥未
見其效此豈非無實之致歟先儒有言曰百種虛偽
不如一實字惟願 聖上即盡公明之道又盡務實
之方則內外交修輕重不偏交差之道於是得矣執
事以為何如謹對

壺隱集卷之五

壺隱集卷之六目錄

附錄

挽詞

致祭文

祭文

壺隱集卷之六目錄

壺隱集卷之六

附錄

挽詞

白首知申事紅塵傲俗姿平生任真率歲暮托交期
前謾元宜直公非實不私泉塗倘會合此別幾何時

判府事 柳尚運

條街贏得掌如絲十載清班步武遙師魯貶曾緣直
道聖俞窮豈坐能詩陪卿宦業猶平進下壽光陰亦
短期他日續編簞雅集驚亭珠唾不應遺

江漢棲遲記往時一區樊圃近靈芝秋溪咏罷樽前

句夜搗鼓殘月下
暮晴跡似萍元易散
舊遊如夢只堪悲
春來梅柳饒愁思
不忍追酬在篋詞

判府事 崔錫鼎

平生文雅罕朝紳
晚擢榮光亞秩新
出納禁闈承聖主
按廉畿甸活疲民
世推洪邁裁綸手
天促丁威化鶴身
坐覺暮年相識少
白頭今又哭情親

平川君 申琬

白戰聲名早擅場
風雷三級倏飛揚
中書出納丹霄逼
畿服旬宣玉節光
幾把清樽論製作
常思小隊過林塘
百年存沒悲吟處
旅舍春寒病在牀

左議政 李 畬

盛歲喧喧藝苑名陵陽晚售繼家聲騰騫尚見華塗
滯通脫仍知韻度清畿節特陞 恩政渥龍喉繞遍
病新嬰是年木稼尤增慟哭望春園涕自橫

吏曹判書徐宗泰

洛社春歸人未歸樽前日覺故交稀餘生謾切存亡
慟白首東崗獨掩扉

暮年新渥橫金帶中歲閑情隱玉壺花石依然庭畔
在胡為駕鶴返清都

左叅贊 趙相憲

君家僻遠罕追隨見輒傾情不見思青眼笑吾常伴

酒素心憐爾細論詩清疎綠紫浮雲盡蕭瑟襟期片
月知存沒百年今已矣九原應會絕絃悲

禮曹判書尹世紀

陳迹依然掩可悲至今何處最相思論襟襟省聯床
夜血指胡藩代斲時

謂公舅者是吾兄兄沒逢公淚軌零仲母宿病今轉
劇忍將何語報幽冥

右副賓客閔鎮厚

襟韻清疎笑語真忘形半世托情親詞垣久縮宗元
手名路咸嗟長孺薪進據龍喉封聖勅擢除周浹
煥恩綸垂當嚮用催乘化萬事人間跡已陳

平安監司崔錫恒

天地吾徒在生同壬午年托交從結髮游學每隨肩
魯性儂愚甚奇才爾賦全詩情元俊逸墨戲自清新
志鵠爭羸負登龍迭後先棘棲嗟久屈鵬路喜高騫
掌憲寧阿好封章欲救偏誰知名相筆遽作直臣愆
莫白由中惴遙投極北塹休論浮世事難測化兒權
宿跡還臺省榮超近御筵隨班相上下聽漏共周
旋寵擢澄清節深知夙夜賢銀臺俄進長義疾忽沉
經所冀神明祐其如命數遭惟存過房子幾賦悼亡
篇結契曾無幾連床更莫緣踽涼悲末路會合指重

泉近宅開新兆安靈逼舊阡吟病違執紼淚濕寢床
邊

都承旨 李 鑒

朋知星散各衰年况復存亡淚眼邊隔海聞君今又
逝浮生如夢只堪憐向來鵷列聯修武從此騷壇失
聲肩想得終南秋日會忍看塵篋舊詩篇

江華留守李寅燁

天資儒雅蘊奇才文學淵源有自來先代交遊曾王
署後孫僚誼又銀臺超階恩旨紆宸簡臨沒哀章
荷 膺裁官係舊都違一哭可堪東望淚沾腮

開城留守嚴 緝

早歲聲名已藉藉暮年風味自溫溫廣文有藝稱三
絕韋氏傳家按一藩浮世光陰同逝水新春物色滿
東園庭廬始見鈴兒哭九地猶應戴聖恩

大司成 李健命

三絕才兼二品卿風流文采繼家聲騷壇秀句人爭
誦畿臬殊私世共榮新塚青山埋骨返群仙紫府拍
肩迎幸教螟蛉嗣傳遺業臨沒哀情感聖明

前察議

潤步亨衢扶亞卿冲襟雅韻聳簪纓嶽嶠厯落中年
事翰墨風流一代名華燭清談同禁省碧紗佳句見

湖城從違不獨連姻好存沒驚心涕自橫

兵曹參知閔鎮遠

文章奇氣壓騷壇首首長安卷裏看明月
驪珠探處得陽春白雪和來難
恩超玉節新巡察地近銀臺
舊長官尚憶城西分手日一堂觴詠罄清歡

尚州牧使元聖俞

款遇曾蒙及後生家嚴執友榜聯名花萼
晝日叨追武文苑當年作主盟玉麈清談
無俗韻金貂華袂儘浮榮逝川不住風流
盡吟斷哀詞久愴情

全州判官李一坦

金帶緋袍寄是身半酣眉睫得清真知申按察聊供
世畫意詩愁自遠入天上玉樓殊悅惚塵中寶樹一
悲辛丹旌晚雨蓮城路還憶巖江並棹春

吏曹佐郎崔昌大

移家最喜接隣芳秉燭猶思過短牆高榭月臨常闔
韻小園花晚即呼觴晚途宦業纔分閫少日詩聲早
擅塲仙骨忽隨鯨背去里中無復望餘光

校理 吳命峻

宜詒才淹簿牒叢詞垣寸地不盛公重登鐵嶺疑天
上暫長銀臺似夢中太瘦應緣五字好晚亨那直半

生窮休言暮境題崔痛亦有枚臯有父風
貫之詩句耘之墨公乃無之不讓頭自得草龍三昧
妙偏深花鳥一春愁巖巒晚弄元章石風月曾題沈
約樓飛鷺亭前烟水色主人雖去畫圖留

衛率

趙裕壽

石翁海老耿光垂傑出賢孫濟義宜白雪調高人寡
和青雲器遠衆爭推早年托契同元伯半世知音有
子期自幸蒹葭依玉樹多慙駑馬附天驕幾從書幌
同鈇槩常艷騷壇建鼓旗雅麗最工徐庾儷清新遠
逼謝陶詩已持名字輝金榜爭道文星照玉墀尺疏

霜臺言慙直放臣荒塞跡孤危楚江蘭珮吟何苦漢
闕芝綸召未遲世事屢驚桑海變人心每歎兩雲移
交情豈復殊窮達古義終能勉切偲老大過從尤可
樂中間聚散幾相思十年鸞棘多淹滯萬里鵬程尚
嶮巇獨立貞松頗見撼暗投明月反遭疑蹉跎官位
薪如積皎潔身名玉不玼文合主盟誰肯許才無推
轂謾懷竒忠勤自可蒙宸賞寵擢居然錫峻資玉
節臨畿敷政化銀臺高步接龍夔清漳卧病憐踰朔
蘭室薰香阻幾時却喜高軒纔見過俄驚一疾已難
醫諄諄夢語猶平昔脉脉相看但涕洟命矣斯人今

至此嗟呼良友更求誰
風儀已邈思何及
仁壽無徵理莫知
鶴返清都遽如許
龍歸延水定長隨
紅塵脫累公奚憾
白首靡依我自悲
月滿屋樑思白也
案留詩卷哭微之
平生懷抱開無處
後死形骸亦已衰
寂寞癸軒空舊迹
凄涼蒿里祗哀詞
都門曉色侵丹旆
漢水春風引素帷
浮世此行嗟早晚
九原他日倘相追

前郡守 金 鏜

冰壺襟韻鶴鸞姿
餘事開元以上詩
畿輔甘棠歌世德
銀臺長席當銓司
卿班稍喜三魁近
文苑堪嗟一步遲
聖主偏傷臨歿語
仲容今作克家兒

戶曹正郎鄭 峽

致祭文

維歲次乙酉三月乙未朔初五日己亥

國王遣臣禮曹正郎李宜章 諭祭于卒叅判洪受
疇之靈惟卿簪纓舊家黼黻奇才文華豈弟寔超朋
儕旣工詞律尤長駢儷荆園戰藝藉甚聲譽久踐蔭
階人惜其屈晚通桂籍進塗迺闢涂翰詞掖辭令嫻
鍊烏臺一疏朝議層峻北謫東移薄示謹何追思至
今卿豈有他中遭陽九迹踈清禁雖歎棲棘實試製
錦纔解嶺綬旋卧淮陽奸壬饒舌在卿何傷北鎮衣

緋斯屈匪榮逮茲更化善類彙征銀臺六仙卿輒居
一攬轡湖甸歌播棠蔭含綸遼塞詩詠獨賢一視夷
險老而彌堅餘事墨妙遠逼斯籀琬琰寶刻屢倩卿
手天廐上駟殊錫便蕃畿藩擢授寔予簡掄詢咨疾
苦民口其碑三世按茲事亦稀奇年少白簡予病矯
激入長喉舌眷注方篤云胡一疾遽爾長夜吁嗟去
歲灾荐木稼又奪卿速實係邦運朝端雅儀今不復
見茲遣禮官酌以洞酌不昧者存庶幾歆格

知製 教李大成製

乙酉三月己亥從兄受瀝謹以菲薄之奠敬祭于從

弟嘉善大夫京畿觀察使洪公九言之靈嗚呼君始
病也病不至甚而意憾憾言辭悲苦有時泣下余不
憂其病而憂其心之不能理病有以乘之也及其既
瞑猶微視欲有言益知神之終不亂也先儒所謂氣
愈散而心愈明能知其將死者非君之謂歟嗚呼能
知其將死也則胡不言其所欲言而便冥然泯然有
同風烟之滅沒耶將厭世溷濁委形乘化人世之拘
纏廓然解脫曾無戀着之意而然耶抑歸拜父兄追
從前輩至樂在此反悔其生世故之糾紛不足累其
意而然耶抑既壽且貴已無餘憾後事之托亦有素

計不必復擾於全歸之時而然耶由此言之此皆君之所樂而吾輩情鍾之人徒然悲踊掩抑咎造化而怨鬼神想君於冥冥之中拊掌而發一笑也惟其後死之慟猶不能自己者君雖壽而徵諸必得之理未也位雖高而量其德則猶不能稱焉文藻煥耀一世而其照於人耳目者多出於勞愁腎肝傷時怨別之意而已終不能和其聲使鳴國家之盛焉敏達之才優於從政而薄施於州牧藩閫之間而不曾暫施於平邦理政之任此固親愛者之所痛朝紳野處之所惜者也况君少余二歲自兒少時肩隨心契未有相

舍之意及至孤露之餘羣從兄弟凋零殆盡只餘君
與我數人而已其相與愛惜之情庸有已乎占科而
幸與聯榜仕宦而與相上下被謫於南北則各抱睽
離之怨得蒙解釋則以團會為幸相與顛冥於榮辱
之塗者于今十數年于茲而倏然成兩老人從此凡
有疾患各盡扶持護安之念雖於微恙薄嘗必用憂
喜於輕重之間惟期相保於晚暮之境以卒優游之
願矣不意君棄我而先歸曾無留連顧戀之意非但
形影之莫憑魂氣亦不與吾夢相接豈死者自至於
忘情而大化為徒生與死了不相關耶嗚呼臨絕封

章至有繼絕之恩是君無子而有子也詩篇之傳誦
者人口皆香此足為不朽之業長逝者庶可無餘恨
而白首餘喘形單影孤悵悵然無所倚忽忽然忘生
撫柩長慟神昏氣塞君其知歟其不知歟嗚呼日月
不留祖載遄迫布奠傾觴以告永訣不昧之靈庶其
鑑臨

維歲次乙酉二月乙丑朔初十日甲戌猶子翊衛司
翊衛禹采謹具清酌時羞之奠敬祭于季父近故嘉
善大夫京畿觀察使兵馬水軍節度使開城府留守
江華府留守兼巡察使府君之靈操文而哭曰嗚呼

痛哉人謂叔姪猶父猶子小子於公豈稱猶字公以
子畜我以父視今日之痛巨創奚異恭惟太師為祖
先始石壁海峯世為國瑞逮我王考同五馬氏聖科
同榜世罕其比位不滿德以遺後嗣惟我先君伯仲
其四共襲庭訓行業有自公序居季世義克趾早遊
翰墨聲譽滿耳顧余險釁閔凶夙值奄罹大故年方
幼稚伯叔諸父相繼背棄已庚禍變尚驚夢寐罪逆
偏酷又失天只零丁孤苦惟公是倚憐我永感撫卹
勤摯教育婚娶實賴公庇父子恩情三十五禩一朝
永訣我安歸矣人於才德鮮或兼備公乃並有卓乎

拔萃姿稟清高性度和易溫溫其容斷斷其志發為
文章華國之技簡重有法本之莊史尤工駢儷遠逼
劉李詩成一家自開壁壘陳談卑格唾猶泥滓虔盡
斯篆各臻妙理屢屈公車懷抱利器俯就蔭階班資
之庠湖嶺分竹化行馴雉慈祥為治清白律已始通
桂籍青雲自致演綸才長補袞誠至三字氷銜 王
猷允貴玉立臺端務持清議烏府一疏引喻有以目
以誣賢衆咻羣慝朝才幾劣暮作禦魅人皆危公公
不少惴磨天鬼門冒雪跋履白首投荒丹心望義

天鑑孔昭量移近地

詔許賜環感極下淚心安家

食念斷青紫憂分 聖主政著循吏南樓逍遙北海
軒輊世運嬗變歲逢己巳慨時屯艱歸田計遂琴鶴
隨還于彼桑梓別構數椽不陋不侈二字揭號海澗
山峙瞻依舊塋不遠伊邇種松栽竹滿庭蒼翠於焉
遊息期以暮齒三日淮陽未展卧治白簡隨發在我
何累仙區得失恍如柯蟻金劄內外登覽是恣太史
筆力汪洋大肆超秩遠赴地又北鄙謫路復經後蔡
前悴境接鞅韜士昧禮義身任師道誘掖提示稍知
向學實受其賜青衿濟濟一變偷靡無勸武藝馳馬
舍矢治成邊徼頌騰閭里及余小成送詩志喜桂宮

高枝大鳴是冀已成陳迹忍開篋笥我哭舍兄西河
官次公遠聞訃緘辭以誄痛似潮州祭郎十二官情
索然棄印如屣歸臨洛舍撫生哀死壬申之春仲母
南徙遠往從嫂涉彼湖水一門團會異鄉樂事適當
改絃公廢始起仙樓聯六地部佐貳出納惟允旬校
不翫屬膺宸簡出疆載質乘槎似騫觀樂異季燕塞
山河觸目感喟異域含 綸冰操益砥歸裝淡然惟
書是市汭途物色吟咏幾費星軺復路淚江花媚
上輅賢勞湖臬斯委觀風錦營玉節文駟歲丁荐饑
民命近止餓莩相望竊發漸熾責重承宣拊摩瘡痍

黜陟廉貪戢治奸宄措置得宜倉有積待疲氓獲蘓
崇化攸暨納節佩符公又南指地是嘉陵人舊按使
民既懷惠不煩鞭箠十載喉司卯申勤仕五曹通歷
水春秋騎雖久積薪不屑前批畿藩陞擢遽出特
旨官今三輔秩古連帥澄清一路志勵攬轡感激圖
報竭誠殫智列邑民瘼條啓詳綴區畫之策幾盈百
紙嫠若髮擲惠如雨施設施方殷彈射傍伺貝錦成
文白璧遭毀事歸交實功卽虧簣洪造陶甄恩私
曲被尹茲京兆益覺勞瘁武園掌試郊壇攝祀積失
調將病因為崇閱月厭食證似滯痞俄長銀臺嚮用

方企輾轉添瓠居育入髓每瞻神氣驚惶惕既才
之富又德之懿宜享頤壽宜受遐祉日夜默禱冀效
藥餌大限已迫神理莫揣淚睫將閉遺語可記精神
不亂胡靳延晷床簣旋易痛心如刺念昔曾考畿邦
是役追我伯祖繼膺重畀兩世官銜皆止於此公繩
前武亦受簡寄除拜之前前後三癸徃在泛波聞擢
此位事雖稀竒心甚憂悸才踰一晷乘化遽爾天數
莫逃人謀豈否知申寫銘公言果是心靈所照若有
先識惟公宦迹中外歷試晚達羈進時或平陂閉關
草玄不事榮利立朝寡助動輒跋扈五窮未送三黜

非恥昇沉有數戚欣焉寘惟公文藻天子英粹咀華
吐芬擷錦摛綺世之操觚誦為師軌詞垣主盟騷壇
建幟寔公分內掌猶可抵館閣文任胡然見祝鳴國
盛事竟違所揆高名絕藝造物恒忌終無適嗣庭斷
趨鯉伯父有兒公曾率置臨終血疏聞者酸鼻繼絕
恩深瞑目泉裏孝睦之行惠難之誼嚴以制家誠以
待士襟韻恢疎覲德心醉煦濡窮族婚喪盡意忠厚
宅心宗黨為歸北行過淮吏多贈遺暫試之邑仁何
深漬操勵却金辭不受餽尺此一節餘可推類屢典
郡臬妻孥告匱及公之喪多賴賻祿當官盡職務祛

虛偽介然有執不苟不詭憂國忠肝隨事瀝披笑彼
趨榮樂我棲遲宅占駱山壺裏幽邃阮巷東西接屋
連阡我本無棲爰就于彼朝夕趨陪步不盈跬諸從
聯袂唯諾歡侍人間至樂都在眼底不肖蒙學莫卞
亥豕謂我有才勉教講肄獎勵製作俾祛下俚昏惰
不振一味負愧方我在峽忽患風痺公書勸歸惟憂
倍蓰永邑客死如割半臂暮境傷懷無辭寬譬我來
自東存沒涕泗望公康健靈光獨歸依仰百齡祝公
珍筮已矣此生更何所恃譬如平地山岳崩陷亦似
大廈棟樑摧圯念公珠唾可付剞劂琬琰篆刻屏簾

墨戲三絕名留萬鍾奚啻富貴無能磨滅誰紀惟公
兆域先祖舊址遺意式遵地若慳秘卜叶吉岡葵仍
官庀叔母兩阡移奉合隧永兄同麓塚墓索索倘有
冥會平昔宛似孤露靡托我心如燬日月不淹已改
榆燧即遠斯屆將遷殯几單杯奉訣且哭且跪收拾
遺藁撰次行誌不朽之圖中心是擬恐不堪任悚隕
曷已薄奠荒詞未罄哀思靈其有知庶歆此觶嗚呼
痛哉尚饗

維歲次乙酉二月乙丑朔二十二日丙戌猶子戶曹
正郎禹鼎敢以菲薄之奠荒拙之語哭訣于季父嘉

善大夫京畿觀察使兼兵馬水軍節度使開城府留
守江華府留守巡察使府君靈筵曰嗚呼痛哉己庚
之禍復見於今日天之降割於吾家何若是偏且酷
耶嗚呼痛哉公於吾先君同氣中知己長衾大被友
愛偏篤只知有鵠原之歡不知有家室之樂乙巳服
闋以後羣居吾家未嘗有頃刻離違之時矣粵在己
酉先君子棄孤于時吾輩年甫十餘零丁靡依童騃
無識家間凡百公皆經理視吾慈母如親妹吾兄弟
若己生壬子公拜寢郎始出齋所不忍一日相離携
吾兄弟尋常往來鞠養之恩撫卹之功自頂至踵無

處不及耳提於或坐或卧之間面命於即事即物之際慇懃顧復誘掖諄切惟平生教誨之道可謂至矣盡矣吾小子愚迷不逮雖不能奉體其德意得以成立於今日罔非公之力也公於壬戌以嶺邑登第授綬歸來始遷舊居占得一巷於駱山之下一家咸集自成一村南阡北陌連牆接牖男女老幼日夜團歡寒暖飽飢之節與之相共疾病憂患之時與之相救或有時產之物官得之味無論多寡輒皆均分眷愛之篤怡愉之樂無猶子猶父之別有親父親子之情此實稀有之樂事而儕友之間亦多有艷歎者矣自

謂百年永保此樂豈料兩歲之內荐遭無涯之痛耶
嗚呼痛哉公氣質清高性度溫雅既多高世之行又
有卓流之才居家則務以睦婣立朝則礪以剛方是
以宗族推其敦叙儕流服其正直至若佩符於雄州
太邑按節於湖臬畿藩及其解歸家壁空立律已之
廉約居官之清簡於此可見若夫文章乃公餘事而
擷錦摘綺神秀精工玉珮瓊琚大放厥聲執耳詞垣
建幟騷壇夫誰曰不可而惟好惡不同造物多猜終
使華國之手濟時之姿不得登庸於廟堂未免抆掇
於世路胡天之畀於公者若是其厚而施於公者若

是其薄也嗚呼痛哉公於乙丑暫入栢府朝封排闥
之疏夕遭投荒之譴天怒斯赫移南遷北時宰欲
害左隄右拳火色驚心禍機迫頭人多危之公獨怡
然不憂於內不形於外揚山逆旅笑別吾輩磨天畏
途冒雪獨行嶺海風霜備嘗險阻經歲歸來髭髮勝
昔非平日操履之斯確在顛沛蒼黃其能若是乎公
於戊辰牽復舊秩宦遊東南輒携小子未嘗一時相
捨矣庚午秋公始超資作宰北關公還未易我依無
所暫欲就食於江南壬申之春移家渡南湖嶺杳茫
消息難憑兩地思戀從此益深是年冬公自北還舊

洞寥寂公亦無聊又即南來為訪吾輩叔姪兄弟團
會如初他鄉樂事孰大於是仍留經冬甲戌二月公
始先還即拜水部侍郎未幾又移銀臺每以吾輩之
淪落他鄉為憂常於書牘之間輒示速還之意越明
年乙亥吾兄弟始還京師是年冬公以地部侍郎奉
使赴燕子弟隨行吾家故事異域山川離親而遠遊
遼野風雪隨公而飽更者蓋體公之不欲暫捨我之
意而我亦不忍遠離公之故也翌年丙子春公承宣
復命拜湖西觀察是年冬吾兄弟同登蓮榜內以慰
悅萱闈外以榮省棠軒公握手流涕不勝感喜仍以

性理儀禮等書親自作序分給兄弟勸勉之意誠勅
之語勤勤懇懇溢於辭表不啻滿籩之珍已作傳家
之寶到今披翫益覺腸裂也嗚呼痛哉癸未公以
特恩擢授畿藩吾家之膺是簡祖子孫三世于今而
三世之前後按節又在於三癸之年此固人家罕有
之事然而先曾考文章德行從祖父清才雅望俱止
於是職公亦納節未幾奄忽至此惟此畿輔可謂吾
家之世業而亦可謂吾家之不幸也嗚呼痛哉公稟
賦堅強神氣充完起居飲食之節或不無失中之事
寒暑脫着之際亦多有失宜之時者誠有所自恃而

然第年齡漸高筋力向衰則必致傷損之歸終為疾
病之祟此小子所常深憂者也今公厭食之症出於
積傷之餘武院掌試郊壇將事病情添苦飲啖轉却
知申 恩命卞肅旋辭再移閤家百般將治而藥石
罔効榮衛已脫危殆敗徵疊見層出俞扁袖手龜筮
罔吉衷情煎迫靡不用極又自寓舍奉還吾家者蓋
為公之昔病也累避吾家輒得其効故也奈何昔時
勿藥之家反為公今日易簣之所耶嗚呼痛哉小子
職忝地部所管多事又於此際適兼江倉日者江上
歸來侍坐公傍忽語小子曰汝之所帶江倉即三湖

名勝之區而其中所謂挹清樓者最以絕特見稱吾
若賴天病或回蘇稍待天氣之和暖與汝登茲欲暢
宵襟而吾病如此恐難辦得矣曾未幾何奄成千古
則斯疾之為命此遊之不諧公實先知而我獨不知
耶嗚呼痛哉春還江閭含淚獨上想公前言萬事無
及夢裏顏面覺來依稀諄諄之教惟疾是憂平昔眷
戀之情無間於幽明而然耶此吾小子之痛益不自
抑也嗚呼小子禍家餘生零丁孤苦叔姪兄弟相依
為命辛巳春兄出宰湖縣癸未秋移陞嶺郡未及離
次喪出任所伊時小子自京奔哭奉老扶櫬千里返

葬此時情境之慘切實非人理之堪耐而惟以老母
在堂公亦無恙相與慰勉尚今排遣矣天不吊余公
又捨我了然此身無所依仰悠悠彼蒼胡寧忍此嗚
呼痛哉六旬之壽二品之秩其在凡人猶且足矣而
論公仁厚之德遐遠之器則不可謂得其壽得其位
矣信乎天不可信理不可測也公之前後三騁不無
子女而累見瘞夭之慘終無承家之慶每以後事之
淒涼為悲晚有密兒之兄弟始見嬰兒之戲雖有開
笑之時至於宗祀之托付曾不念及於此曹屬意於
梁弟養育於家內者于今六七年而特未及成案矣

臨終陳疏 聖批特許嗣續之重幸而不絕此足以
慰公長逝之魂耶嗚呼痛哉公之平生抱負莫非君
民之計而與世相違終袖經濟之手只以餘事之文
章末技之筆法被之於邦家金石之上留之於儕友
屏障之間猶可謂不朽者存耶嗚呼痛哉吾兄生時
得一崗於曾王考墓後是所謂虎山欲為後日之計
矣吾兄喪逝之後此山是非久未歸一公常謂小子
曰汝之叔姪動於堪輿之言經年奔走營葬無期吾
實悶之而亦自戒焉吾之身後必於此崗藏吾衣冠
勿求他山遺教丁寧尚今在耳先葬吾兄於茲山之

西又卜公龜於咫尺之間若於冥冥之中果有源源
之會則想公必不離吾兄於左右而吾兄亦侍公於
朝夕續人間未盡之歡作地下無窮之樂此誠神道
之所可慰而人情之尤不忍堪處也嗚呼痛哉兩叔
母先公三十餘年而歿公於其時既用權厝之制姑
安先營之側者蓋欲公之身後占得吉崗以為會合
之計到今年久之後再煩遷動恐致神道之不寧然
公之遺意如此亦不可孤負於今日故趨公啓鞠之
前先遷兩山一時合窆庸副同穴之意團圓之會羣
瑟之樂庶幾無缺於平昔同居之時耶嗚呼痛哉公

之喪出未過數月大小家累飢餓將迫鞠葬之具祭
奠之需不能稱意前頭契活亦無其策惟此一家之
情不獨悼亡之痛而已况我老母於公名雖嫂叔情
實甥妹素無相離之歎常有羣居之樂矣纔見逆理
之變又遭割半之慘傷悼太過排抑無術此時欲得
一麾板輿奉行不聞兩家之哭聲不見兩家之景色
是小子哀矜惻怛之意而倘來之物亦難入手無他
慰勉之道情理之痛迫自倍於諸從羣弟也嗚呼痛
哉曷以慰悲一巷三家相依以居相救以生遵法旣
往謹守將來毋怠毋失是小子今日區區之志也亦

以此相勉於諸兄弟與諸子姪庶幾不墜公平日惇
睦之風而以小子不敏恐不能堪其任也嗚呼痛哉
即遠有期靈輅將啓今日此行何時復還徹泉之淚
不足以泄其哀數行之文不足以盡其情一聲長慟
千古永訣嗚呼哀哉尚饗

維歲次乙酉建辰之月六日庚子即近故嘉善大夫
行承政院都承旨壺隱洪公即遠之期前二日戊戌
祀溪後人俞命咸謹具薄奠崇酒于觴文以侑之曰
惟靈簪纓世家詩禮舊業趾美襲休鵠峙蘭茁珠玉
咳唾錦繡心腸七襄五采爛然成章高壓六朝俯視

四傑茂實歲華問溢發楓落吳江一日萬口周庠
戰藝巧匠縮手青錢之選萬中可覩一第之取視如
摘髭暫屈公車得失有時豹變七日鵬飛九萬四十
成名皆謂公晚才高忌集栖遑下邑晚躋栢府徑我
豸角衆趨靡靡俯仰隨俗公獨正色明廷鸛立陽鳳
一鳴仗馬已斥鬼門夜渡層冰積雪路非八千敢怨
三黜湘浦紉蘭長沙賦鵬杳杳窮荒懸心玉樓上
察孤忠恩移汝州天行雷雨紉收紫爍直道難容一
麾復出邊吏緋衣匪榮而屈屬時休明重入脩門北
庭專對喉司納言觀風湖臬攬轡澄清榮辱飽經公

髮已星席虛宣室薪積淮陽

御筆新除紫詰恩光

王曰欽哉往釐郊畿朝班動色旋燾生輝非因薦剡
聖主知公曠世遭遇半生窮通入佐京兆復貳秋曹
銀臺首席地分清高勤茲卯酉思荅殊私榮衛受傷
疾病乘之二豎沉嬰醫不可為文星晦彩華簀遽易
翩然素化蟬蛻穢濁騎箕高讓在公何憾六旬之年
不為夭短二品之秩亦云榮顯以余揆公尚有餘恨
既躋復起廩廩嚮用用未克究賢愚傷痛寧合顧問
而不經幄文中黼黻而不館閣彼其之子胡為盤礴
公之操觚運意至深駢儷警切詩律整嚴自成一家

力去陳譚取才精的坡翁所欽擲地鏗鏘明老所評
比如良金百鍊愈精公之接物一以寬廣襟韻恢疎
不設畦町好士之誠惡人之義清濁無失咸得懽意
北海樽酒賓朋滿座留連文字有唱斯和公有絕藝
翰墨游戲嶧山遺法龍眠妙技流傳中國價騰燕市
公有清操志厲冰蘂歷官內外家徒四壁身沒之日
廩無餘粟緡公疇曩少懽多悲安仁悼逝伯道無兒
已庚之禍天亦不仁兄弟四人繫公獨存撫挈幼孤
教導成就一門涵仁瞻若嵩岱千秋鄭鄉九世張居
洵穆庭戶左右門閭藹如之風融如之樂韋篋一經

螟蛉是托公多側出晚境怡悅不食之報于後可必
念我小子早孤失學婚姻之故受知蓋久每勤提誨
曰有可取出入從遊殆三十載情同舅甥義均師弟
歲在黑羊僑寓駱峯住近仁里巷分西東公以為喜
數腴其色謂宜步櫟源源朝夕永有依歸百年以期
今焉已矣有淚交頤嗚呼昔拜公顏談屑霏霏今造
公堂素帳披披溫溫風味何處復得燁燁文彩何日
復覲有過誰警有疑誰質蹢躅風塵我立於獨嗚呼
故宅圖書文藻已空階庭依舊花木就荒瞻彼海曲
牛眠叶吉密邇先靈旁近賢姪馬鬣既啓龍劍將合

死生一理其樂奚異遠日斯屆輜車載脂膏容永隔
泉路云邈澗毫沼正薦此菲薄不昧者心相感者誠
靈如有知欽我一觥尚饗

維歲次乙酉二月乙丑朔十八日壬午東崗趙相愚
謹具菲薄之奠哭訣于亡友嘉善大夫行承政院都
承旨洪公九言之靈嗚呼哀哉繫我友公自少伊老
會以文字無之世好投膠飲醇兩絕磷緇維公所存
獨我深知天真內篤才華外敷苟求備有挽近蓋無
工嚴駢偶炯勃餘瀾鏗鏘詞律蘊黃之間倉籀虔盡
世稱無美琬琰競顯屏障是侈才夥命阨第晚仕枳

王署銓部我慚獃批湖暇藝衡世不推爾霜臺暫試
寥廓玄窩中間歷試維外維內清心嶺樓吏隱高情
湖臬畿輔一心澄清亞尹京兆晉長喉舌班躋貳卿
人遲其擢始坎終亨遂展遐武同我周旋晚益交厚
醎酸苦甘期以同趣有疑相質公務私幹源源者好
不面則簡筭輿捷路我往公來呼觴命韻討花尋梅
逢塲一笑相視皓髮各勉衛養庶保殘日云胡一疾
而止於斯行路共嗟矧伊吾私年周掛弧而未及耆
位雖拖金猶不究才天奪何速我腸欲摧指屈舊要
存世今幾餘生踽踽萬念都既新阡已卜日月有時

修夜漫漫聲容莫追懸劍何所漬綿未躬靈應不昧
歆余時恫嗚呼哀哉尚饗

壺隱集卷之六

堂姪父壺隱公少小文辭藉玉
當世而尤工於詩律發語和雅
人皆以握靈蛇探驪珠而自居
以大家者見公作和適然而
讓一頭身扶杖執卷善真草
其鋒出而然且早充於公車晚

乃成名既又時於世後漢於切
名煥致陰綸是公之臨事空靈
玉璫以出之於內而積穀半世
為未有以佐國寸寸地傷公卒
莫能放懷懷之語之鳴國家之
其意亦高也班固曰月望云不

遠而歸公謀在亦莫不嘆也
屈而信知廷用不考公才
左望無心也等公等任缺也
韜之墟跡磨天法黑水搖慨
且盡以詩鳴詞訟之懷慨長
得一極變後詩作如覺有江山

助望已所以困公者乃出
益王於訪也即願余未石觀
得詩家間域上公詩何明僭
有雄英之記著燕侍之際初贈
公與人洲唱吸謔自如若不信
素及至台墨屬能行筆竟為而

爲郭王聲某語亦符所至陳且
求湧石低組織其已才不可
及也竊又聞壺公南西書就其
嘗語人曰若出華公頃接時坎
事以見於今日則此事非國
手爲亦無二云南公是詞壇巨

區書詩當為具心之所所得
如此亦於是為詩直可
占望白話公區美少愛也
詩也公於文法後矣
詩絕不為凡俗語至其駢偶
麗精工冠絕當時、業程文

有金石誦習而師法以煥爛之
光耀乎群玉之室永於無極
乃永為公不朽之業矣又何假
公一言之重乎公之平生著述
裒然為一而卷帙中絢而今
公之墓木拱矣遂集公未刊

人皆惜之適亦忝按察南陽公
之府激多哲持年移素昧曰公
愛之為地而可也考先人造此
濬浚而無治神水遂成渠而今
校名是付之割剝再泥見歲功
守禹采氏共相至彼不數月而

王告訖自此以詩文可以印
帛書遐迹而華文光焰無以次
晦之憂夫接覽吟詠之語不勝
感懷略書卷端如右云

壬寅仲夏臺州通政大夫守慶
尚通觀察使兼冬冬水軍節度

使臣出大丘為護府出禹傳
諱跋

中書省臣等一覽奏聞奉聖旨依議欽此

又勅諭翰林院學士等曰翰林院學士等

自魏氏降後翰林院學士等

翰林院學士等

翰林院學士等

翰林院學士等

翰林院學士等

翰林院學士等

